



ՄԿՐՏԻՔ ԱՐՄԵՆ

Հեղնար աղբյուր

Գլուխ երրորդ

Գլուխ երրորդ

1

Իբրահիմի դայֆախսանան սովորականի պես լիքն էր մարդկանցով և սովորականի պես լուս: Ովքեր ծեր էին և միշտ տանն էին, ովքեր տկարության կամ այլ պատճառով այդ օրը նոյնպես շուկա չէին գնացել, օրվա այդ վաղ ժամին գտնվում էին դայֆախսանայում: Ընդհանուր լուսության մեջ լսվում էին միայն նարդիների փուլերի չխկոցները և լվացվող բաժակների զնզգնզոցը:

Իբրահիմը կանգնել էր վաճառասեղանի ետևում: Վաճառասեղանի վրա շարված էին վեց-յոթ նարգիլե՝ տարբեր չափի ու ձևի, իսկ մի ծայրում փաթաթված դրված էին նամազլրդ փոքրիկ գորգեր և շարված էին նամազի մի քանի կոնքեր ու գյուգյումներ: Իբրահիմի ետևում պատից կախված էին պղնձե զրահներ և պողպատե թրեր: Կողքի պատերի վրա խփված էին շատ հին և շատ-թանկարժեք երկու գորգեր:

Փողոցի պատն ամբողջովին՝ ապակեպատ դուռն էր և ընդարձակ լուսամուտը: Դուան վերևում կախված էին դափ, թառ և քյամանչա նվազարաններ: Դափը կախված էր մաշկով դեպի պատը: Երբ ներս մտնողը դուռն ամուր էր ծածկում, դափի փուլերն օրորվում էին և հազիվ լսելի զնզգնզում:

Ուրբաթ օրերն Իքրահիմն ավելի ուշ էր փակում դայֆախսանան: Ուրբաթ երեկոներին այնտեղ թառքյամանչայի վրա նվազում էին Գյումրու հոչակավոր երգերն ու եղանակները: Խմիչք իհարկե չէր լինում, որովհետև կրոնն արգելում էր թուրքերին՝ խմել և նրանք չէին խմում իրապարակորեն: Նվազը նրանք լսում էին լուրջ ու մտասենո: Յուրաքանչյուր բոցե կամացուկ ներս էին մտնում նորանոր մարդիկ:

Իսկ այժմ, սովորական օրվա առավոտյան, Ժամանակն անցնում էր դանդաղ, և այլս ոչ ոք ներս չէր մտնում: Սակայն, երբ կեսօր եղավ և փողոցում դիմացի պատը ողողվեց արևի պայծառ լույսով, դուռը բացվեց և ներս մտավ մոլլան: Նա շտապ և անցողակի պատասխանեց բոլոր բարեներին, արագ զնաց խորքը և նստեց անկյունում՝ դատարկ սեղանի մոտ: Նա մոռացավ հանել իր բարուջները, որոնք հատակի գորգի վրա թողեցին փոշու նկատելի հետքեր: Այդ նշանակում էր, որ մոլլան հուզված էր արտասովոր հուզումով, որպիսին չէր պատահել նրա հետ վաղուց ի վեր:

Նստելով աթոռին, նա մի ոտքը զցեց մյուսի վրա և անհանգիստ սկսեց շարժել կախ ոտքի թաթը: Նրա փափուկ երեսով և նույնպիսի տակով ոտնամանները՝ մասերը, կիտրոնի կեղևի նման դեղին և խորդուրորդ, այնքան պիրկ էին հագնվել ոտքերի վրա և ոտքերի ձևն ընդունել, որ թվում էր, թե մոլլան նստել էր կոճերից հետ բորիկ, հինայով ներկված թաթերով ու ներբաններով: Մոլլայի բարուջը՝ մասի վրա հագնվող ոտնամանը, որն իրենից ներկայացնում էր հաստ ներբան՝ միայն քթի ամենածայրում երեսի փոքրիկ կաշվով, այժմ կախվել էր նրա մատներից: Մի քիչ ժամանակ ճոճելով բարուջն այդպես, մոլլան վեր կացավ և հուզված քայլեց՝ ձեռքից կախած համրիչն արագ-արագ քաշելով:

Յուրաքանչյուր քայլափոխին բարուջների ներբանները շրմիալով ապտակում էին նրա մաս-ոտնամանների մեկ մի կրունկին, մեկ մյուսին:

Իքրահիմը մոտեցավ մոլլային .

— Մե տեսակն ես, մոլլա:

Թեև ամառ էր, բայց մոլլան իր ուսերի վրա շալ էր զցել: Նա կանգ առավ, ձգեց շալի ծայրը, բայց ոչինչ չասաց: Բարձրահասակ ու նիհար, նա նայեց ներքև՝

դեպի Իբրահիմի հարցական հայացքը:

— Հը,— պնդեց դայֆաշին:

— Մե չայըմ քե, ասաց մոլան և վերադարձավ իր տեղը՝ անկյունում:

Իբրահիմը լցրեց թեյը և տարավ: Չնայած, որ նա շատ էր հետաքրքրվում մոլլայի անհանգստությամբ և շտապում էր պատճառն իմանալ, բայց դարձյալ շմոռացավ թեյը լցնել դանդաղ, զգույշ, իրեն հատուկ վարպետությամբ. նախ բաժակի կեսից մի քիչ ավելին լցրեց ջուրը, ապա գույնը՝ այնքան ճարտար, որ այն մնաց ջրի երեսին՝ առանց խառնվելու ջրի հետ:

— Նստի՛, շշնջաց մոլլան, երբ Իբրահիմը բաժակը դրեց նրա սեղանին և ձևացրեց, թե ուզում է հեռանալ: Նստի ու լսե: Են վո՞վ է ինտեղ հաջի Քյարի՞նն է: Հաջի Քյարի՞ն . . .

Սպիտակահեր, բայց առույգ մի ծերունի մոտեցավ մոլլայի սեղանին և նույնպես նստեց:

— Հարիբեն . . .

Մոլլան մի վայրկյան ընդմիջում տվեց և նայեց իր սեղանակիցներին: Նրանք ծայր աստիճան լարվեցին:

— Հարիբեն սիրական ունի . . .

Ի՞նչ . . . — բացականչեց հաջին:

— Առ' ս . . . զգուշացրեց Իբրահիմը, բայց արդեն մի քանի սեղանների մոտ ընդհատվեցին նարդու փուլերի շխկոցները և մի քանի հասակավոր մարդիկ, վեր կենալով տեղերից, մոտեցան մոլլայի սեղանին:

Աքոռներդ մոտ քաշեք, նստեք, ասաց մոլլան նրանց:

— Հարիբեն սիրական ունի, մոնչաց հաջին՝ պատասխանելով հավաքվածների հարցական հայացքներին:

— Սիրակա՞ն, հարցրեց մարդկանցից մեկը՝ գործնական ու հանգիստ, և սկսեց ծխախոտ փաթաթել: Լավ չէ: Մեր բոլորի անունը կսկզնե:

Սրպանել է հարկավոր, վրդովվեց տաքարյուն հաջին: Մենակ սրպանելը քիչ է, խայտառակ էնել է հարկավոր . . .

Ամմենեն լավն էն կեղնի, օր քյաբինենք իրար հետ, վերջանա էրթա, ոչ լորջ առաջարկեց նույն գործնական մարդը և ծխախոտ վառեց:

— Ուրտից օր էկել է, թող ինտեղ էլ էրթա, ատամների արանքից բաց թողեց Իբրահիմը: Վոնդենք Հաքիբեհն: Մենք մեր ձեռքերն արունքի մեջ չենք քարիս . . .

Հանկարծ, համարյա միանգամից, բոլորը մտածեցին այն մասին, թե ո՞վ է վայելում այդ շքնար կնոջը, որի աշքերի մասին հրաշքներ էին պատմում: Իրենց թաղամասի ո՞ր տղամարդուն է վիճակվել այդ երջանկությունը: Եվ համարյա նույնպես միանգամից, բոլորը դիմեցին մոլլային .

— Իսկ վո՞վ է սիրականը . . .

Մոլլան սառած թեյը հրեց մի կողմ, համրիչը, որ ջղայնաբար քաշում էր մինչ այդ դրեց սեղանին և սկսեց խաղալ դրա հատերի հետ: Մի քիչ հետո, գլուխը վեր առնելով, նա հայտնեց .

— Հաքիբեհ սիրականը . . .

Մարդիկ այնպես նայեցին, կարծես ուզում Էին դեռ կեսանապարհին քոնել մոլլայի խոսքերը:

Հաքիբեհ սիրականը հայ է:

Բարձրացավ աննկարագրելի աղմուկ: Յուրաքանչյուրն այնպես զգաց, թե Հաքիբային խլեցին իրենից:

Կորպանենք, մարգարեի միրուքը վկա . . . Վո՞վ իրավունք ունի մեր կնկան:

Կսրպանենք, մարգարեի դրոշակը վկա . . . Վո՞վ իրավունք ունի մեր
ապրանքին:

Գեղի օսկոռը գեղի շանը պիտի հասնի . . . Վո՞վ իրավունք ունի մեր օսկոռին:

— Ընչի՞ մեննակ սիրականը կսեք, ըպը կնի՞կը . . .

Փրփրակալած զայրույթն իր հոսանքի մեջ քարացավ մի պահ, ապա գլորվեց դեպի հակառակ կողմը՝ դեպի թրքուիին, որն այնքա՞ն գեղեցիկ էր, բայց և այնքա՞ն անմատչելի նրանց համար . . .

— Գառան պես կմորթենք . . . Ի՞նչըդ թե հայի տղի հետ . . .

Կչոքեցնենք իրան մեղքի դոան առաջը, ճիտը կկտրենք . . . հայի տղի հե՞տ . . .

Մատադ կէնենք շարիաթին . . . Քրիստոնի հե՞տ . . .

Ընդհանուր աղմուկի մեջ Իբրահիմը խոսեց հանդարտ ու կամացուկ, ուստի և նրա ձայնը լսելի դարձավ բոլորին .

Չեմ կրնա ավատա . . . Ո՞ր հայն Էդրան աննամուս կէղնի . . . Ախաղոր պես հալալ կապրեհնք իրար հետ, իրար չոռ չէինք ըսե: Հմը Էնոնք մեր աղջրկա՞ն . . .

Աղմուկն իջավ: Մոլլան նորից հաստատեց իր խոսքերը:

— Ինչ էլ օր Էղնի, ասաց Իբրահիմը, սրպանելը լավ չէ: Ուրտից օր Էկել Է՝ թող ինտեղ էլ Էրթա: Մեզի Էդ տեսակ թուրք կնիկ հարկավոր չէ: Իսկ տղի գործը մենք տանք հայերու վենաձ մարդոց, թող Էնոնք թքեն Էնոր Երեսին . . . Ի՞նչ կսես, մոլլա . . .

Մոլլան ափի մեջ հավաքեց իր ցանցառ, կարճ մորուքը և սկսեց մտածել:

Ըպը ի՞նչըդ իմացար, մոլլա, հարցրեց հաջին:

Սաֆարի Էրեխեքն Էին տեսե հայի տղին՝ Հարիբեի տունը մտնելու վախտը . . .

Տիրեց լոռություն: Գործնական մարդը ծխափողը թխկթխսկացնելով սեղանի ծայրին, ծխախոտի մնացորդը մաքրեց դրա միջից և խորհուրդ տվեց .

ՄԵ բանը մտածեք: Իրիկունը մեր տղամարդիկ բազարից տուն կուգան, Հարիբեին կաղպանեն: Կամ մենք սրպանենք, կամ էղոր առաջն առնենք . . .

Նա այնպես գործնական և հանգիստ էր խոսում, որ թվում էր, թե կատակ էր անում: Սակայն նրա խոսքերը բոլորի ուշադրությունն ուղղեցին դեպի նրա հիշեցրած վտանգը: Այո, տուն կգան տղամարդիկ և առանց երկար մտածելու, արյուն կթափեն . . . Ու մինչեռ նրանք մտածում էին, նա նորից առաջարկեց .

— Կնկան վոնդենք, իսկ տղին ծեծենք: Իբրահիմ, հաջի Քյարիմի գավազանը տու ընձի . . .

— Տղին ծեծենք, համաձայնվեցին մի քանիսը, հմը կնկան . . .

Նրանց սրտերը, ովքեր դեռ ծեր չեն, սեղմվեցին խանդից: Անհայտ հեռուներից իրենց թաղամասն էր եկել անծանոթ մի գեղեցկուիի, սեր էր արել կողմնակի մի մարդու հետ և այժմ պետք է հեռանար նորից . . .

ՄԵկը տեսել էր նրա աչքերը, մյուսը՝ ճակատը, երրորդը՝ նուրբ ձեռքը՝ չադրայի եզրերը բռնած: Երբեմն քամին բարձրացրել էր շադրայի և շրջազգեստի փեշը՝ ցուցադրելով նրա շքնաղ սրունքները, երբեմն քամին շադրան ու շրջազգեստը պիրկ փակցրել էր նրա մարմնին՝ քանդակելով նրա գեղեցիկ մարմնաձևերը . . . Իսկ հետո, սուրճի մանրիկ գավաթների վրա զլուխները կախած, նրանք երկար պատմել էին նրա մասին, նկարագրել նրան, և բոլորի մտապատկերներում ամբողջացել էր Հարիբան իր սպիտակ ճակատով ու սև աչքերով, նուրբ ձեռքերով ու սլացիկ սրունքներով, մոտիկ, բայց անմատչելի . . .

— Շարիաթը . . .

Բոլորն սթափվեցին:

— Շարիաթը, կրկնեց մոլլան, գեշ բան կպահանջեն, հավատացյալներ . . . Հմը ես ձեզնեն էդ գեշը չեմ ուզե: Էկեք կակուղսիրտ էղնինք ու քող ալլահն ընձի պատժե

իմ թուլ քնավորութանըս հմար . . . Կնկան վոնդենք, իսկ տղին ծեծենք . . . Ես իմ վենձ կնկաս էսօր կղոկեմ Հաքիքեի քովը . . .

Հաջին և մյուս բոլոր հասակավորները համաձայնությամբ գլխով արեցին՝ թե իրենց կողմից և թե բացակայողների . . .

2

Ցերեկվա պայծառ անդորրը տարածվել էր բոստանների վրա: Ամեն ինչ անշարժ քարացել էր այնտեղ, բայց դա շոգի թմրություն չէր, այլ միջօրեի խաղաղություն: Արևը լճացել էր բոստանների վրա, դաշտերի վրա հորիզոնից՝ հորիզոն: Խոշոր, մուգ բծերով երևում էին ծառերի շարքերը մարգերի եզրերին և հոլիկների շուրջը: Շոզն ու հովն ապրում էին կողքեկողքի: Հովացնող քամին անցնելով երբեմնակի, հանդիսավոր ու ծանր խշշացնում էր սաղարթները, որոնք հովհարում էին իրենց ստվերում հանգստացող մարդուն կամ կենդանուն:

Հոլիկի մոտ, ծառերի տակով, սահում էր վճիտ շուրն իր արխի մեջ, սահում էր արագ, բայց բոլորովին լուս: Երբեմն միայն, ջրի մի կոհակ բարձրանալով մի փոքրիկ քարի վրա և իշնելով, ծկլթում էր կամացուկ, կարծես աղջիկ մտավ շուրը լողանալու և դրա սառնությունից սրսփաց:

Ներքեցից դեպի վերև՝ ուղիների ճյուղերին նայելիս, մարդու աչքերը շաղվում էին արևի մանր պատառների և տերևների մանր բազմության խառնուրդից: Սաղարթների մեջ համատարած լսվում էր պիծակների համարյա անըմբոնելի, նուրք պզզոցը: Պիծակներն աննկատելի էին և պտտվում էին իրենց նման աննկատելի ծաղիկների շուրջը: Նրանց պզզոցի հետ խառը՝ դեպի կանաչ գետինն էր իշնում այդ անհամար ծաղիկների սքանչելի բույրը՝ նույնքան նուրք, նույնքան անըմբոնելի . . .

Հեռվում, որտեղ վերջանում էին բոստանները և փոքրիկ կույտերով թափթփած էին պսպղացող ապակու կտորտանքով լի աղբակույտեր, կանոնավոր ընդմիջումներով, միակերպ ու մտածկոտ, լսվում էր ինչ-որ թոշունի ձայն՝ հն՝ պո՛ . . . Լուսություն՝ խոր և պայծառ . . . Հո՛ պո՛ . . . Ցերեկ . . .

Անշարժություն . . . Հո՛-պո՛ . . .

Մարդիկ կարող էին ժամերով պառկել մեջքի վրա, ուղիների տակ, արխի մոտ, զգալ սաղարթների և ջրի թարմությունը, շնչել ճյուղերից իջնող քաղցր և խաղաղեցնող բույրը, լսել պիծակների պզոցը, ջրի հանկարծակի ծկլթոցը և արևոտ հեռվից երբեմնակի եկող հանգիստ, խաղաղ, անմարմին ձայնը՝ հո՛-պո՛ . . . Հետո լոություն և ապա նորից՝ հո՛-պո՛ . . . Այդ ձայնից լոությունը չէր խախտվում, խաղաղությունը չէր վրդովվում, այլ յուրաքանչյուր կրկնությունից հետո դառնում էր ավելի խոր, ավելի լայնատարած . . .

Երբեմն, հեռվում, որևէ ծառուղիով, անցնում էր մի մարդ՝ բահն ուսին և ոտքերը ծնկներից հետ քաց: Հո՛-պո՛ . . . լսվում էր նոյն րոպեին, և մարդը նոյնպես թվում էր անմարմին և խաղաղ պատկեր . . .

Երբեմն, զբոսնելու ելած երկու աղջիկներ մտնում էին բոստաններից մեկը և քայլում էին ծառերի ստվերներով: Նրանք հագած էին լինում մեղմ-վարդադոյն եզրերով ու զոտիներով սպիտակ զգեստներ, նոյնպիսի վարդագույն ու լայն եզրերով սպիտակ գլխարկներ: Նրանց նուրբ զգեստներից բուրում էր մատաղահաս աղջիկների յուրահատուկ բույր՝ անմեղությունը: Իրենց անքիծ հազուստներով նրանք նմանվում էին խնձորենու ծաղիկների՝ նոյնպիսի սպիտակ, նուրբ-վարդագույնով: Նորից լսվում էր՝ հո՛-պո՛, և աղջիկները նոյնպես թվում էին անմարմին պատկեր . . .

Հեռվում, Երանոսի բոստանի դարպասի վրա, բացվեց դռնակը և ներս մտավ ուստա Մկրտիչը: Թվաց, թե նա էլ էր անմարմին երազ, որ մարդ էր եղել և գոյություն էր ունեցել երբեկ, ապրել էր և աշխատել, ավարտել էր իր կյանքն ու մեռել իր հետ տանելով նաև իր աշխարհը, բայց այժմ վերակենդանացել էր նորից, միայն մի վայրկյանով, երևութականորեն, և այդ պատճառով ավելի հանդիսավոր էր և համբարայլ:

3

Ուստա Մկրտիչը մոտեցավ հոլիկին: Հեռու մարգերից մեկում Երանոսի միջնեկ եղբայր Գեղամը բահը խրեց հողի մեջ և շտապեց դեպի նա: Հոլիկի ետևից նախ

նայեց, ապա մոտեցավ Երանոսի կինը, որն այնտեղ զբաղված էր կանաչեղենի դաստաներ կապելով:

— Բարև, քոր:

Բարև, եխապայր:

Ուստան Երանոսի ընտանիքի հետ ծանոթացել էր դեռ բոստանշու քաղման օրը, ուստի և, նայելով աջ ու ձախ, հարցրեց,

Հայր Մանանս ո՞ւր է . . .

Բարև, ուստա, ջան, ասաց Գեղամը՝ տեղ հասնելով:

Ասուի բարին, օղուլ: Մանանս ո՞ւր է:

Քնած է, եխապայր, ասաց կինը՝ գլխով անելով դեպի արխի եզրերին շարված սաղարթախիտ ուրիները: Ուստան աշքերով փնտրեց, նկատեց աղջկան և քայլերն ուղղեց դեպի նա: Կինն ու Գեղամը հետևեցին ուստային:

Մանանը պառկել էր կանաչի վրա, նրա ծնկները թաղվել էին խիտ բուասծ սպիտակ մանր ծաղիկների մեջ: Նա մի թևը դրել էր գլխի տակ, մյուսը երկարել էր կանաչի վրա՝ ձեռքում մի քանի ծաղիկներ պահած: Նրա սև մազերը վերջանում էին խոշոր, կլորիկ խոպոպներով: Մազերին կապված էր լան, պայծառ-կարմիր ժապավեն:

Ուստան նայեց նրան սիրով ու գուրզուրանքով և ուզում էր կոանալ դեպի նա, երբ իր ետևում լսեց կնոջ հեծկլտոցը և արագ ետ շրջվեց:

Քո՞ւր . . .

— Որբ ու անտեր մնաց . . .

Ասպած օղորմած է, քոր, սազ մնան հորըխապըրտինքը, սադ մնաս դուն: Աշքերդ սրբե:

— Մի լա, հարս-խանում ջան, գուրզուրեց Գեղամը՝ խելոք և մտածկոտ աչքերով:
Ախպերս էդ բանը շպիտի էներ, հմը . . . Մի լա . . .

Ուստա Մկրտիչը թերվեց դեպի գետին, վերցրեց այնտեղից աղջկան, գրկեց,
տարավ դեպի հոլիկ: Նստեց պատի տակ դրված թախտի վրա, ուշադիր նայեց
դեռ քնած երեխային և համբուրեց ճակատը:

Վեցը թամմա՞վ:

— Զմեռը թամմավ, եխպայր:

Մե խորուրդն եմ Էրե, ասաց ուստան՝ աղջկան գրկից բաց շրողնելով: Դուն Էլ
լավ լսե, Գեղամ, իիմի դուն ես տան գլխավորը . . .

Կինը նստեց: Գեղամը շարունակեց պատկառանքով կանգնած մնալ ուստայի
առջև:

Ուստան մտածեց: Ճետո, երբ ուզում էր սկսել, հանկարծ փոխեց հանգամանորեն
խոսելու իր մտադրությունը, նորից համբուրեց երեխային, հանձնեց մորը և
ասաց .

Ծաղկի պես պահե հարսիս, քուր . . .

Կինը շառագունեց, արագ նայեց երեխային, ապա խանդադատանքով և ամուր
համբուրեց: Երեխան արթնացավ, մազերը ետ տարավ ճակատից, ժպտաց,
փորձեց հասկանալ, թե որտեղ է ինքը:

Գեղամ, խիստ ձայնով դիմեց ուստան տղային, աղջկաս մազին դիպնող չեղնի:
Էնպես Էրա, օր ծաղիկս դալար մնա . . .

Գեղամը մտածեց մեծավարի, ապա ի նշան համաձայնության գլուխը
խոնարհելով, ասաց .

— Թող քու կամքդ էղնի, ուստա ջան: Դուն էն տեսակ վենած պատիվ կէնես մեզի,
օր էլ մենք ի՞նչ կրնանք ըսե . . .

— Քո՞ւր . . .

Ուստան հարցական նայեց կնոջը:

Տեզրոջս խոսքն իմ օրենքս է, եխապայր:

— Սրտինդ ըսա, քուր: Ցարն էլ է մեր օրենքը, հմը մեր սրտին օր հարցընե՞ս . . .

— Խոսք չկա բերանս, եխապայր, օր սրտիս ուրախութունն ըսեմ: Դուն իմ որքիս հեր դառնալ կուզես . . . Դուն իմ անբախտիս բախտ տալ կուզես . . . Դուն իմ Մանանիս . . .

Եվ չկարողանալով զսպել ոչ տիրության, ոչ ուրախության արցունքները, նա նորից համբուրեց երեխային:

Լսելով իր անունը, երեխան ժպտաց և վար ցատկելով մոր գրկից, փախավ: Ըստ երևոյթին նա ամաչեց, որ երեք չափահաս մարդիկ զբաղված են իրենով:

Ուստան պայծառացած աշքերով նայեց նրա ետևից, ժպտաց իր բեղերի մեջ և զրպանից հանելով կես շիշ օղի, դիմեց Գեղամին .

Բաժակ քե:

Բայց և իսկույն ընդունեց ուրիշ որոշում .

— Կեցի, բաժակ հարկավոր չէ: Գնա երկու խիար քաղե . . .

Գեղամն արագ գնաց մտավ վարունգի մարգերը, քաղեց երկու վարունդ, վերադարձավ:

— Դանակ էլ քե . . .

Երբ Գեղամը մտավ հոլիկ, ուստայի դեմքը մի պահ ընդունեց խիստ արտահայտություն, և նա դիմեց Երանոսի կնոջը .

— Քուր . . . Լավ զիտնաս, օր վենձ պատիվ կէնեմ ձեզի . . . Իրան սըպանող մարդու լնտանիքի հետ բարեկամութուն էնելն օրինավոր բան չէ: Օր ուրիշներն օրինակ առնին՝ ես եմ մեղավորը . . .

Գեղամը բերեց դանակը և տվեց ուստային: Կինը ճշաց: Գեղամը շփոթվեց և ձեռքն արագ մեկնեց դեպի ուստան:

Տու ուրիշը բերեմ . . . Չնկատեցի, օր իսիկ էն դանակն է . . .

Ուստան ետ ծալեց նրա ձեռքը .

— Մի սխալվի, օղուլ: Ասպած ինքն է քեզի ըսե, օր էս դանակը բերես: Եղիկ չար դանակ էր, հմը իրան չարութունը դարտըկել է: Զիմի էսոր մեջ մեննակ բարին է մնացե: Ըսել է՝ մեզի բախտավորութուն պիտի բերե . . . Միշտ քովդ պաե էս դանակը . . .

Վերցնելով վարունգներից մեկը, նա դանակով երկու կես արեց, փորեց միջուկը և դարձրեց բաժակներ: Վերցրեց մյուս վարունգը, մի բաժակ ևս դրա կեսից պատրաստեց: Օղին լցրեց դրանց մեջ, մեկն ինքը վերցրեց, մյուսները մեկնեց կնոջն ու Գեղամին .

— Մեր ուխտի կենացը . . . Ասպած օղորմի Երանոսի մեղավոր հոգուն . . . Տա ասպած, օր աշխըրքիս երեսին հեշ մե մարդըմ մեր ուխտը քանդել չկըրնընա: Բարով վենձընան Մանանս ու Գալուստս, իրար հասնին, ուրախ ապրին, բախտավոր էղնին . . .

Ուստա Մկրտիչը մի ումպով դատարկեց օղին, ապա կերավ վարունգը: Գեղամը նույնն արեց: Կինը խմեց մի քիչ և արցունքներն աչքերից զլորելով, մնացած օղին բափեց դանակի վրա .

— Դուն էլ խմե, անզութ, աղջկադ նշանն է . . .

Ուստա Մկրտիչը կսմբեց բարդիների շարքի մոտ խաղացող Երանոսի փոքր եղբոր այտը և դարպասի դռնակից դուրս ելավ դեպի ճանապարհը: Հազիվ էր ոտքը շեմքից դուրս դրել, երբ ցնցվեց և մեջքով կպավ պատին:

— Յա՛ . . . Է՞ս ինչ էր . . .

Նրա մոտով, առանց նրան նկատելու, արագաքայլ անցավ թրքուիին: Ուստային թվաց, թե նա ճանաչեց քսան տարուց ի վեր իրեն այնքան ծանոթ Հեղնարի քայլվածքը:

Հահլաք քեզի, սատանա, խո հարբած չե՞մ, համարյա շշնչաց ուսաան՝ նայելով նրա ետևից . ոտնամաններն Էլ՝ Հեղնարինը . . .

Նա ձեռքը շփեց ճակատին: Լսել էր, որ երբեմն շար ոգին գեղեցիկ թրքուին կերպարանք է առնում և իր սիրով խելագարեցնում է մարդկանց, բայց երբեք չէր հավատացել դրան: Միայն Երանոսի մահից հետո մի քիչ կասկածել էր, որ բոստանչուն հանդիպած թրքուիին նույնակես շար օգի էր եղել: Եվ շար ոգին, ինչպես ասում են, ջահել կանանց սնդուկներից գողանում է նրանց հազուստներն ու ոտնամանները, հազնում, ապա նորից դնում է տեղը . . .

Յա՛, կրկնեց ուստան, կրունկները, գույնը . . . Թե՞ աշքերս խաքեցին . . . Է՞ս ինչ էր . . .

Թրքուիին, որ շարունակում էր գնալ նույն արագ քայլերով, անհետացավ ճանապարհի ոլորի ետևում: Ուստան սքափվեց, համոզվեց, որ դա տեսիլք էր, որը գերբնական ձևով անհետացավ: Սակայն անմիջապես մտածեց, որ կինը պարզապես կարող էր ծածկված լինել ճանապարհի շրջադարձի ետևում, ուստի և արագ առաջ գնաց ստուգելու համար:

Մի քանի քայլ հետո թրքուիին նորից երևաց: Չաղրայի մեջ խուլ փաթաթված, նա շարունակում էր ճանապարհը:

Ուստան մտածեց շտապել, մոտենալ նրան և դիտել մոտիկից, բայց և խսկույն փոխեց մտադրությունը: Այնուամենայնիվ թրքուիին կարող էր ոգի լինել, և նկատելով ուստային՝ անհետանալ: Ուստի և, փոխանակ մոտենալու, ուստան

շարունակեց հետևել հեռվից: Հաճախ չէ, որ մարդ առիթ է ունենում ոգու հանդիպել: Պետք է հետևել և տեսնել, թե նա ինչ նպատակով է հազել իր կնոջ ոտնամանները: Բայց արդյո՞ք իր կնոշ . . .

Ուստա Մկրտիչը հիշեց, որ Հեղնարի այդ կիսակոշիկներից մեկի՝ ձախի տակը երկու տեղով ճաքել էր և ուստան պատվիրել էր Հեղնարին՝ այլս դեն նետել այդ ոտնամանները:

Նա կոացավ, նայեց թրքուհու ոտնահետքերին: Զախ ներբանի տափակ հետքի վրա, փոշու մեջ, հազիվ նկատվում էին լայնքից գնացող երկու խազեր:

Տեր ասպած, ասաց ուստան՝ խաչակնքելով, և շափիսան ետ հրեց դեպի ծոծրակը, ահան աշքովս կտեսնիմ հրաշքը, հմը էլի շեմ ավատա . . . Չեղնի՞ էս բանդ հրաշք չէ . . .

5

Թուրքական թաղամասի աղբյուրի ութանկյունի փոքրիկ շենքը՝ ծառերի տակ կանգնած, ամբողջովին գտնվում էր դրանց ստվերում: Այդ նշանակում էր, որ ցերեկը հասել էր իր գագաթնակետին: Արևի լուսից աշխարհն այնքան պայծառ էր աղբյուրի շուրջը, որ աղբյուրն իր վրա կախված ծառերի ստվերում թվում էր զիշերային տեսիլ՝ ամեն կողմից ցերեկով շրջապատված: Չուրը, որ անձայն և անշարժ կորագծով իջնում էր խողովակից դեպի գուռ, թվում էր արծաթափայլ կամար՝ նետված այս աշխարհից դեպի հողը:

Աղբյուրի շուրջը, նույնպես ստվերի մեջ, հավաքվել էին շատ աղջիկներ և կանայք, բայց նրանցից ոչ մեկը շուրջ չէր լցնում, իսկ ով արդեն լցրել էր դեռ չէր հեռանում: Բոլորն զբաղված էին ըստ երևոյթին ծայր աստիճան հետաքրքիր ու կարևոր խոսակցությամբ: Չրի շիթի տակ դրված մի կուժ վաղուց ի վեր լցված էր, այժմ շուրջը, խշշալով հորդառատ, դրա կողերով թափվում էր վար:

— Սաֆարի էրեխերը . . . Ավիրակ փողոցի քովը . . . Հետը թուրքերեն էին խոսե՞ չէր հասկըցէ . . . Փափախը դրել է խաբելու հմար . . .

Սև՝ փափախս, հարցրեց մեկը:

Ան:

— Գո՞յզ:

— Գո՞յզ:

— Ըսել է՝ ես Էլ եմ տեսե Էնոր, կնկտիք:

Մի այլ կին, որը մտածելու խաղում էր մատանու հետ, հանկարծ կարմրեց և դիմեց խոսողներին .

— Դուք Է՞ն կըսեք, օր աշքեր ունի, ինչդ օր կրակ . . .

Էն:

— Տեսել եմ: Մե անգամը մոտեցավ, ջուր ուզեց: Երեսս ծածկեցի, փախա, Էլ չիմացա, թե ուր գնաց:

— Ո՞ւր պիտի էրթար, հրլպոթ էն լրի քովը, ասաց մի առջիկ՝ խոշոր աշքերը բարկությամբ ոլորելով Հարիբայի տան ուղղությամբ:

— Մե՛ր կէնեն, շրթունքներն ատելությամբ կծկելով, ասաց մի կին:— Լիրքը կպազե ջանի աշքերը, ծոցը կառնե ջանին . . .

Նրա աշքերը հանկարծ արցունքութվեցին, նա լոեց և ծածկվեց շադրայով:

— Ընչի՞ սեր չէնեն, դառը ժպտաց մի ուրիշը: Հարուստ, անդարդ . . . Ի՞նչն է պակաս . . . Ըպը տղեն ի՞նչ տղա է . . .

— Տղեն կմեռնի Էնոր հմար . . . Կա մարդ, օր քեզնեն ջուր կուզե, հմը գիտես, օր քեզի կուզե: Հմը Էնիկ օր ջուր ուզեց՝ մեննակ ծարվըցած էղնելու հմար էր: Աշքովս տեսա, թե ինչըդ քրտընել էր լեն ճակատը, թողոտել էին մազերը . . .

— Հըլպըթ օր կսիրե: Բայր խո չի՝ ծեծե: Էղպես տղեն կնկա վրա ձեռք
կբանձրցնե՞ . . .

Երկար թերթերունքների տակ փայլատակում էին կանանց սև աշքերը: Երբ
նրանք շրջում էին հայացքներն ազ ու ձախ, նրանց աշքերի սպիտակուցները
փաղփաղում էին ատելությամբ, նրանց այտերը վառվում էին շառագույն կարծես
անդրադարձնելով ինչոր հրդեհի բոցը: Նրանց կրծքերը ելնում-իշնում էին
կարծես զապած հեկեկոցից: Իսկ երբ նրանք խոսում էին, թվում էր, թե նրանց
ձայնը դուրս էր գալիս թախիծով ու արցունքով լի խոր ջրհորից: Ոմանք կանգնել
էին երեսները շադրայով ծածկած, ձեռքերից մեկով շրամանը բռնած, մյուսով՝
շադրան կրծքի վրա պահած, իսկ երեսների վրա քաշած շադրայի եզրերը
սեղմել էին սպիտակ ու մանրիկ ատամների արանքում: Եզրերի հետ միասին
նրանք սեղմում, արյունոտելու շափ կծում էին նաև իրենց շրթունքները:
Տարօրինակ էր թվում, որ նրանց կազմած կիսաշրջանի մեջ ջուրը հոսում էր նոյն
խաղաղությամբ, կարծես չէր հոսում, և ուստա Մկրտչի անունը, գրված աղբյուրի
ճակատին՝ երեք հին, բայց կենդանի լեզուներով, թվում էր նոյնքան խաղաղ և
հավիտենական . . .

Մոլլայի մեծ կինը, որը, իհարկե, երբեք չէր գալիս ջրի, այժմ նոյնպես առանց
շրամանի էր կանգնել կանանց միջև, լուս լսում էր խոսակցությունները և մերք
ընդ մերթ գլխի դրական շարժումներով հավանություն էր տալիս նրանց
ասածներին: Սակայն նա ուշադիր չէր լսում նրանց և շարունակ նայում էր դեպի
փողոց: Երբ այնտեղ երևաց Հեղնարը և արագ անցավ, մոլլայի մեծ կինը նշան
արեց աղբյուրի մոտ գտնվողներին՝ ձայն շհանել, և շտապեց նրա ետևից:

Աղբյուրի մոտ բոլորը նայեցին իրար:

— Աշես ի՞նչ են մտածե մեր տղամարդիկ, շնչաց մեկը:

— Կարպանեն, ենթադրեց մյուսը:

— Թող սրպանեն,— տենդահար բոցավառվեցին մի զոյգ աշքեր . Էնիկ
շարիաթին հակառակ կապրի: Ընչի՝ պիտի մեննակ էնիկ շարիաթին հակառակ
ապրի . . .

Հարիբայի տան փոքրիկ փողոցի անկյունում մոլլայի մեծ կինը հասավ Հեղնարին, կտրեց նրա առաջը, երկու ձեռքերով կոպիտ քաց արեց նրա երեսը .

Անամոթ . . .

Հեղնարը գունատվեց:

— Միրակա՞ն ունիս, քա՞՞ծ:

— Ունիմ, քաջի, օր քեզնեն պաեմ, ալլահից ի՞նչըդ պաեմ, շշնջա Հեղնարը:

Ունի՞ս, հա՞ . . .

Թրքուիին կատաղած սեղմեց բոունցըներն ու ատամները, և կարծես ներսից ստացած մի հարվածից՝ նետվեց դեպի ուստայի կինը .

— Հա՞յ է . . .

— Հայ է, քաջի . . .

Հեղնարը բռնեց սիրտը, որ թպրտում էր անհանգիստ և անկանոն:

Ըսել է՝ սուտ չէ՞, հա՞, անառակ: Լա՞վ . . .

Նա կտրուկ ետ շրջվեց, բղավեց .

— Հե՞յ, աղջրկներ, կնկտիք, իստեղ էկեք, մե՞մե քար բերեք հետներդ, շուն կա սատկցընելու, շո՞ւտ . . .

Բաջի՛, սարսափից նվաղած ձայնով թույլ ճշաց Հեղնարը,— քաջի, սուս կեցի, ոտքդ պագեմ, ես հայ եմ . . .

— Ի՞նչ . . .

Մոլլայի մեծ կինը ետք էտ զնաց և ձեռքերը ետևը տանելով, չոված մատներով շոշափեց պատը՝ շընկնելու համար:

Հա՞յ ես . . .

Աղբյուրը հեռու էր և ոչ ոք չէր լսել մոլլայի կնոջ կանչը: Ճեղնարն այնպես էր գունատվել, որ թվում էր, թե պիտի ուշաթափվի:

Մոլլայի կինը, որ սառած աչքերով անթարք նայում էր նրան, սկսեց շարժել շրթունքները: Ըստ երևույթին նա խոսում էր, բայց ոչինչ չէր լսվում: Այդպես անցավ մի քանի վայրկյան, մինչև որ նրա ձայնը դարձավ լսելի.

— Հայ . . . Ո՞վ մարգարե . . . Ի՞նչը չէինք նկատե . . . Շեյթանը քեզի հետ . . . Թուրքի անունով անառակութուն կէնես . . . Քեզի ակոերով կզգենք . . . ակոերով . . .

Եվ դանդաղ պոկվելով պատից, նա քայլեց ետք՝ տուն կամ դայֆախանա, ինքն էլ չզիտենալով, թե ուր, անհավատալի լուրը տղամարդկանց տեղեկացնելու:

Ճեղնարը շշմահար նայեց նրա ետևից և նրա առաջին միտքը եղավ՝ փախչել և այլևս չվերադառնալ: Ապա նույն վայրկյանին նա սոսկումով հիշեց, որ քիչ հետո, գուցե մի րոպեից, գալու է իր սիրեցյալը և ընկնելու է գազազած մարդկանց ձեռքը: Առավել ևս պետք էր շտապել, հանդիպել նրան ճանապարհին և ետ դարձնել . . .

Նա նետվեց դեպի ձախ կողմի ավերակ փողոցը: Ինչպես միշտ, այնտեղ ոչ ոք չկար՝ բացի Սաֆարի երեխաներից, որ պատի տակ նստած, խաղում էին: Տեսնելով Ճեղնարին, նրանցից մեկն անփոյթ վեր կացավ, դանդաղ զնաց մի քիչ տեղ, ապա վազեց: Երեխաների աչքերի վատ թաքցրած արտահայտությունից Ճեղնարը հասկացավ, որ նրանք իրեն էին հսկում և վազող երեխան անշուշտ զնաց մեծերին հաղորդելու իր մասին:

Ճեղնարը նվազեց, զգաց թակարդից դուրս գալու անհնարինությունը, և նըրարկվելով անխուսափելիին, հազիվ մի կերպ քայլեց դեպի Ճարիբայի տունը, մտավ ներս և դարպասը կամացուկ ծածկեց . . .

Հեղնարը հազիվ էր դարպասը ծածկել, երբ երևաց ուստա Մկրտիչը, որն շտապ մտավ փողոց և նայեց շուրջը:

— Բաջի' . . .

Մոլլայի մեծ կինը, որ հեռանում էր արագաքայլ, ետ նայեց, ապա կանգ առավ: Ուստան, քրտնած ու փոշոտ, մոտեցավ նրան .

Բարև, բաջի:

— Բարև, ուստա Մկրտիչ:

— Մե քուրքիմ կնիկ շանցա՞վ իստեղով . . .

Մոլլայի կինը մի վայրկյան ձայն շհանեց, ապա անթափանց շաղրայի տակ ժպիտ ձևացնելով, հարցրեց .

— Թուրքի կնիկն ինչո՞ւ է հարկավոր, ուստա . . .

Ուստան նոր միայն սթափվելով շտապմունքից և շփոթությունից, զգաց իր տված հարցի տարօրինակությունը:

Հարկավոր է, բաջի, այնուամենայնիվ պնդեց նա:

— Լավ, ինչո՞ւ է հարկավոր, կրկնեց քրքուհին՝ թեթևակի բաց անելով երեսը: Դուն՝ հայ, կնիկ՝ թուրք, դուն՝ կնկա-էրեխսի տեր, էնիկ . . .

Այ բաջի, ճիգով ժպտաց ուստա Մկրտիչը՝ տիրապետելով ինքն իրեն, հայի ու քուրքի մեջ ախառոր ու քուրոջ գործ չի պատահի:

— Ընչի՞ շէ:

Ըշտը էդպես մե գործովը կհարցնեմ: Թուրքի կնիկ էր՝ կանանչ ոտնամաններով . . .

Ուստան, ծայր աստիճան անհանգիստ, ձեռքերը տարավ դեպի գոտին, բռնեց, քարացավ սպասողական:

— Եղ թուրքի կնիկն իրան տունը մտավ: Ինքը մեննակ կապրի: Դու մեննակ կնկա քով ի՞նչը էրթաս, ուստա . . .

Ավերակ փողոցի կողմից երևաց ոսկերիչ Վաղինակի տղա Վարոսը: Տեսնելով ուստա Մկրտչին, նա ետ նետվեց և անհետացավ: Ոչ ուստան, ոչ թրքուիին, չտեսան նրան: Նրան տեսան միայն Սաֆարի երեխաները, որոնք նորից, այս անզամ բոլորը միասին, վազ տվեցին մեծերին հայտնելու հայի տղայի մասին, որը սակայն կորավ անհետ . . .

— Տե, օր էդ կնիկը մեննակ կապրի, դուն ինքդ էլ արի հետս, բաջի, առաջարկեց ուստան:

Նրանք մոտեցան Հարիբայի տան դռանը:

— Ուստա, Էնիկ հայ է, հայտնեց թրքուիին:

— Հա՞յ . . .

Փոխանակ պատասխանելու, մոլլայի մեծ կինը հանկարծ փոխվեց, արյունը խփեց նրա երեսին և նա սպառնալի շշնչաց.

Արի աշքովդ տես: Ինքն անառակութուն կէնե, սիրական կպաե, հմը մեր անունը կխայտառակե . . .

Ուստան արագ քայլերով մտավ ներս:

Տասը տարի անխնամ մնացած պարտեզի վայրի մենավորությունը տեղի էր տվել պայծառ զվարթության: Վարոսը կտրել էր բավական թվով ծառեր և կտրատել էր մնացածների քմ տիհաճորեն աճած ավելորդ ճյուղեր, մաքրել էր մարգերն ու մայթերը, ցան ել էր բազմագույն ծաղիկներ՝ բուրումնավետ և բնքուշ: Այժմ պարտեղն իրոք որ պայծառ պարտեզ էր և ոչ խավար պուրակէ Արևն առատորեն թափվել էր ծառերի միջև, գետն ի լրա: Այժմ արևն էր այնտեղ տիրապետողը և ոչ թե ստվերը, որն առանձին պատառների բաժանված, կծկվել էր ծառերից յուրաքանչյուրի տակ: Ստվերները, լինելով քիչ և արևի խոշոր բծերով շրջապատված, այժմ թվում էին ավելի մուգ, ավելի զով և հաճելի: Ամենուր, որտեղ արևն էր թափվել, աճում էին բազմագույն և բազմատեսակ ծաղիկներ: Դրանց հույլերի միջև անցնում էին կարմիր աղյուսափոշու շավիղներ: Ավագանի շատրվանը խփում էր ավելի բարձր և շրափոշին նստում էր տերևների ու ծաղիկների վրա:

Ուստա Մկրտիչը մի պահ կանգ առավ քարացած՝ կարծես վախենալով որևէ անզգույշ շարժումով կպչել պարտեզի բնքությանը: Դարպասի մոտից մինչև բնակարանի դուռը նա գնաց կամացուկ, համարյա ոտների ծայրերի վրա՝ քսվելով պատին և զգուշանալով նեղ մայթից ոտքը դնել ցած, որտեղ բուսել էին այնքան մանրիկ և անմեղ խոտեր . . .

Մտնելով նախասենյակ, ուստան բաց արեց երեք սպիտակ լուսամուտներ ունեցող սենյակի դուռը: Այնտեղ ոչ ոք չկար: Սենյակի խորքի մասն առջևի մասից բարձր էր երկու աստիճան և բաժանված էր վարագույրով: Ուստան վարագույրը ետ տարավ և նայեց ներս: Նույնպես ոչ ոք չկար:

Նա ելավ նախասենյակ: Նշանակում է, շար ոգին, թրբուիին, հայուիին, կամ, տեր աստված, իր կին Հեղնարն այնտեղ է՝ մյուս սենյակում . . .

Ուստայի սիրտը դողաց, դողաց նաև ձեռքը, որով նա դոան ունկն էր բռնել: Նա կամացուկ և համարյա անլսելի բաց արեց դուռը, մտավ ներս . . .

Հեղնարը՝ գունատ, նվաղած, ծունկ էր չոքել և կիսաբաց շրթունքներով աղոքք էր անում՝ անշուշտ իր սիրեցյալի անվտանգության համար:

Լսելով դուան ձայնը, նա նայեց այն կողմ և ցնցվեց: Ըստ երևոյթին նա չհավատաց իր աշքերին: Նա վախեցավ ավելի շուտ իր վրդովկած վիճակից և տենդու ուղեղից, քան դուան մոտ կանգնած կերպարանքից:

Հեղնա՞ր . . . շնչաց ուստա Մկրտիչը:

Մի վայրկյանում Հեղնարի դեմքն անասելի սպիտակեց, թվաց, թե այդ նրա աշքերն էին, որ անասելի սևացան: Նա ձեռքը տարավ դեպի կուրծքը, զգաց դու տակ ուժգին և անկանոն թարտացող, սիրտը, և մինչև իսկ չկարողացավ ճալ: Նա ծկլթաց՝ ինչպես վճիռ ջուրը բռատանների արխում, և լոեց: Ամեն ինչ վերջացավ:

9

Հարիբայի ծանր ու անհյուրրնկալ դարպասը նորից փակվեց: Թուրքական թաղամասում նորից համոզվեցին, որ անհետացած պառավի տան վրա անեծք կար ծանրացած:

Հեղնարի մահից անմիջապես հետո, երբ մոլլայի մեծ կնոջ միջոցով լուրը տարածվեց ամբողջ թաղամասում, բոլոր բնակիչները քահ ու քլունգներով զինված, անասելի գողգոռոցներով հավաքվեցին Հարիբայի տան առջև՝ հիմնահատակ կործանելու այն: Ու մինչդեռ ուստա Մկրտչի դժբախտության լուրը սլացավ քաղաք՝ կայծակի արագությամբ և ուժգնությամբ տարածվելու այնտեղ, մոլլան, Իբրահիմը, Սաֆարը, հաջի Քյարիմը և թաղամասում գտնվող բոլոր մյուս տղամարդիկ սկսեցին քլունգի կատաղի հարվածներ տեղալ շենքի աղյուսե ճակատին: Թվաց, թե հարվածների ձայներն անգամ հնչեցին արտասովոր մոայլությամբ: Աղյուսներից բարձրացավ կարմիր փոշին և մշուշեց հավաքված քազմությանը՝ իր փայլող գործիքների հետ:

Առանց հաշիվ տալու, թե ինչու, կանայք վայնասուն բարձրացրին և սկսեցին պոկոտել իրենց մազերը, իսկ երեխաները գոռալով լաց եղան: Տղամարդիկ հարվածները տեղում էին ավելի և ավելի մոլեզին, կարծես ոչ թե քանդում էին պատը, այլ ծեծում, ջարդություր անում՝ այն գտնելով իբրև ամեն ինչի

մեղավորը:

Համատարած իրարանցման մեջ հանկարծ բացվեց Հաքիբայի տան դարպասը, և շեմքի վրա երևաց ուստա Մկրտիչը՝ բարձրահասակ ու մտախոհ: Շափիսան դեպի ծոծրակը ետ հրած, ճակատի վրա քրտնքի մարզարիտներ, նա խաղաղ ու հանգիստ աչք ածեց շուրջը:

— Ես ի՞նչ գառնազոշում է, հարցրեց նա թուրքերեն: Նեսը քնած մարդ կա . . .

Եվ նորից մտնելով շենք, ծածկեց դարպասի ծանր փեղկը:

Միանգամից տիրեց այնպիսի լուրջուն, որ թվաց, թե լսելի դարձավ կարմիր փոշու ձայնը, որն օդից նատում էր մարդկանց գլուխների, ուսերի վրա և գետնին: Բահերն ու քլունգները մարդկանց ձեռքերում դարձան ավելորդ և մարդիկ նայեցին միմյանց՝ չգիտենալով ինչ անել: Բոլորը կարծես միայն նոր վերհիշեցին, որ տան ներսում հավիտենական քնով քնել էր մի կին, որին խաղաղություն էր հարկավոր՝ ինչպես յուրաքանչյուր քնած մարդու:

Նույն րոպեին դարպասը նորից բացվեց և ուստան դուրս ելնելով, դիմեց մոլլային .

— Միրզալի, նես արի, դո՞ւ ընչի ես կայնե: Հաջի Քյարիմ, Սաֆար, ձեզի հետ եմ . . .

Թաղամասի պատկառելի ծերունիները մոլլայի հետ միասին մտան շենք:

Ուստան դեռևս դարպասը չէր ծածկել, երբ անկյան ետևից լսվեց սմբակների ձայն, և սանձակուսոր ընթացքով փողոց մտավ մի կառը: Հավաքվածները շուր եկան: Գլխաշորը վար առած, սպիտակ մազերն արձակ, շոված մատներով կարծես մազերը սանրելով, կառքում նստել էր ուստա Մկրտչի մայրը:

Նա շրթունքն ամուր սեղմել էր ատամների տակ և նվաղելու ձայնով հծուս էր՝ ո՛ւմմ ո՛ւմմ . . . ո՛ւմմ ո՛ւմմ . . .

Ինչպես էր այդքան արագ և ամենից առաջ լուրջ հասել նրան՝ քաղաքի մի ծայրից մյուս ծայրը . . .

Ուստան նետվեց ընդառաջ: Օգնելով մորը՝ վար իշնել կառքից, նա միջոց գտավ շշնչալու:

— Չուր կողքաս, մեր, Էնիկ քու ողբիդ շաժե . . .

Մայրն ապշությունից չուծ աչքերով հարցական նայեց որդուն:

— Երթանք՝ նեսը կըսեմ, ասաց ուստան:

Դրանից անմիջապես հետո սկսվեց այդ օրվա մեծագույն տագնապը: Միանգամից լսվեցին արշավող բազմաթիվ կառքերի հայուններ, վազող մարդկանց ոտնաձայներ, և փողոց լցվեցին մեծ թվով մարդիկ: Նրանք մոտեցան հավաքվածներին, սկսեցին տեղալ շփորչված հարցեր:

Փոքրիկ փողոցը հեղեղվեց մարդկանցով և կառքերով: Քիչ հետո մարդկանցով և կառքերով լցվեցին նաև շրջակա փողոցները: Աղմուկը խլացրեց ամեն ինչ: Մարդիկ աշխատում էին առաջ անցնել իրարից, մոտենալ տանը, իմանալ, տեսնել, թե ինչ էր պատահել ուստա Մկրտչին: Թուրքական թաղամասի յուրաքանչյուր քնակիչ շրջապատվեց բազմաթիվ մարդկանցով, որոնք անընդհատ հարցեր էին տեղում: Բայց թուրքերին ևս շատ բան հայտնի չէր: Ամենաէականը, սակայն, գիտեին բոլորը . ուստայի կին Հեղնարը մի հայ սիրելիան էր ունեցել, որի հետ հանդիպելիս էր եղել Հարիբայի տանը: Ուստան բռնել էր Հեղնարին, և Հեղնարի սիրտը ճաքել էր . . .

Իսկ թե ինչ կերպ էր ուստան բացել դավաճանությունը և ով էր կնոջ սիրելիանը՝ ոչ ոք չգիտեր: Միայն մի թուրք՝ մսագործ Կուլին, որն այդ օրը շուկա չէր գնացել և տանն էր, պատմում էր, թե ինչպես մի ժամ առաջ Սաֆարի մի երեխան վազել էր իր մոտ և հաղորդել Հեղնարի փախչել պատրաստվելու մասին, ապա եկել էին մյուս երեխանները՝ հայտնելու հայ տղայի գալու մասին: Բայց մինչև թաղամասի տղամարդկանց վրա հասնելը, հայի տղան արդեն փախել էր, իսկ Հեղնարը՝ հանգչել:

Ազդեցիկ մարդիկ՝ թե հայերից, թե հույներից, վերջապես կարողացան մոտենալ դարպասին: Մոտեցան նաև ուստա Մկրտչի ընկերները, բարեկամները, շեղնարի այլայլված և ամոթահար ազգականները: Երբ մարդկանցից մեկը հրեց դարպասը, դուրս եկավ, որ այն փակ էր: Մտածելով մի վայրկյան, նա բարձրացրեց երկարեւ թակը և խփեց: Հավաքվածներին ցնցեցին թակի մոայլ ու խուլ հնչյունները:

Դարպասը բացվեց, դուրս եկավ ուստայի մայրը: Նա միանգամայն հանգիստ էր, սովորականի նման գլխաշորը գլխին զցած: Միայն նրա շրթունքներն էին ամուր սեղմված և դեմքը սովորականից մի քիչ ավելի խիստ էր: Նա նայեց հավաքվածների խւկույն լոած ամբոխին և ասաց .

— Ես դարցեք, օղուլ, ձեր ոտներն Էլ են ափսոս, ձիաններունն Էլ . . .

Ապա հաստատուն քայլերով նորից մտավ ներս և դարպասը փակեց:

10

Շեղնարը պառկած էր հատակին, գորգի վրա: Նրա վրա զցել էին պատից պոկած մի այլ գորգ, որը ծածկել էր նրան ամբողջովին՝ բաց թողնելով միայն սև մազերով շրջանակված դեմքը և կանաչ կիսակոշիկները: Նրա դեմքը գունատ էր, սպիտակ, և թվում էր, թե նա քնած է:

Նրա կողքերին ծալապատիկ նստել էին ուստա Մկրտիչը, մոլլան, հաջի Քյարիմը, Սաֆարը, ուստայի մայրն ու մոլլայի կինը: Իբրահիմը կանգնել էր դուն մոտ՝ շվար, ձեռքերը կախ զցած և մտածում էր: Լուսամուտի խայտաբղետ ապակիներից անիրական լույսն ընկել էր հավաքվածների անշարժ և անձայն կերպարանքների վրա: Արտաքին աշխարհից ոչ մի ձայն ներս չէր թափանցում և հայտնի չէր՝ դեռ աղմկո՞ւմ էին այնտեղ, թե լոել էին:

— Մեղքը մերն է . . . լոության նման հանդարտ՝ վերջապես լսվեց մոլլայի ձայնը: Հարիբեհ տունը մենք շուտուց պիտի քանդած էղնեինք . . .

Կրանդենք . . . — փակ ատամների արանքից զուսպ մոմուց հաջին, բաշու դիակը տարան թե չէ՝ հիմնահատակ կէնենք . . .

Խոսքերից հետո վերահաստատված լոռության մեջ ուստան բարձրացրեց գլուխը, նայեց նստածներին և ասաց խաղաղաձայն .

— Մե խորուրդմ էրեցի . . . Կուզեմ էս մեղավոր կնկան թաղել իրան մեղքի տան մեջը . . .

Եվ նորից խոնարհեց գլուխը:

Մոլլան ու հաջին նայեցին իրար:

Էս տունը քանդոցի տակ է, ասաց մոլլայի մեծ կինը՝ առանց նայելու ուստային, որովհետև նրա աշքերի մեջ փայլատակում էին բարկության կրակները և նրան թվում էր, թե շադրայի տակից անզամ, դրանք կհասնեն ուստային և կվիրավորեն:

Խոր, կարծես հավիտենության միջից, լսվեց դարպասի թակոցը:

Իբրահիմը ելավ դուրս:

Քիչ հետո ներս մտավ քաղաքի ավագ եկեղեցու ավագ քահանան՝ ավագ տիրացուի հետ, որի թևի տակ շուրջառ կար և աղոթագիրք: Բոլորը ոտքի կանգնեցին: Քահանան արագ մոտեցավ ուստային և սեղմեց նրա ձեռքը: Ապա երբ դրանից հետո նա մոտեցավ ուստայի մորը, կինը համբուրեց քահանայի աջը և ասաց .

— Գնա, հայր-սուրբ, խաչդ մի պղծե . . .

Կարծես սառը ջուր սրսկեցին բոլորի վրա:

Մեղավորի հոգին . . . — փորձեց հակածառել քահանան:

— Մեղավորի հողին գնաց՝ ուր օր իրան տեղն էր, ընդհատեց ուստայի մայրը:

Քահանան ու տիրացուն նայեցին իրար և խաղաղություն մաղթելով, ելան դուրս:

Երբ Իբրահիմը նրանց ետևից դարպասը փակելուց հետո մտավ սենյակ, բոլորն այնտեղ նորից նստած էին առաջվա դիրքով՝ լուս և անշարժ:

— Մենք ուստի խոսքը ես դարցնել չենք կրնա, շարունակեց հաջին ընդհատված խոսակցությունը: Ուստի նպատակը ճշմարիտ է՝ թող մեղավորը քաղվի իրան մեղքի տան մեջը . . .

Տունը քանդոցի տակ է . . . — կրկնեց մոլլայի կինը:— Թե ախաղերը համաձայն է՝ թող քաղե . . .

— Ի՞նչ կըսես, ուստա, հարցրեց մոլլան:

Բոլորը նայեցին ուստա Մկրտչին:

Մտածելով քավական երկար, ուստան հայտնեց .

— Տունն ընձի հարկավոր չէ . . . Մեննակ թե, ընձի մե քառսուն օր ժամանակ տվեր՝ ետև քանդեք . . .

— Քառսուն օ՞ր, շհասկացավ մոլլան:

Տեյմոր քար քաշեմ գերեզմընի վրա, քացատրեց ուստան:

Մոլլան, հաջի Քյարիմը, Սաֆարը, Իբրահիմը, մոլլայի մեծ կինը համաձայնություն տվեցին՝ թե իրենց կողմից, թե քաղամասի բոլոր բնակիչների:

11

Եկավ քրեական և բժշկական քննությունը և այդ դեպքն արձանագրեց իբրև անհայտ պատճառներից դրդված հանկարծամահություն:

12

Հեղնարին թաղեցին պարտեզում, ավազանի տակ: Ընդհատեցին շատրվանը, հատակից վերցրին մի քանի սալաքար, խորը փորեցին տակի հողը և դագաղը դրեցին այնտեղ: Հետո նոյնությամբ սարքեցին ամեն ինչ և բաց թռեցին շատրվանի վճիռ ջուրը, որը նորից արծաթե բարակ ձողիկի պես շպրտվեց վերև և քիչ հետո ավազանում լճացավ անձրևող շիթերից շեշտված ջրի հայելին: Իրիկնադեմին բոլորը հրաժեշտ տվեցին ուստա Մկրտչին և գնացին: Ուստայի մայրը փորձեց ետ պահել որդուն այդ մոայլ տան մեջ քառասուն օր մենակ մնալու վտանգավոր որոշումից, բայց ուստան, ի պատասխան, միայն համբուրեց նրա ձեռքը և խնդրեց՝ իր ընկերներից մեկնումեկի տղայի միջոցով ամեն օր մի քիչ ուտելիք ուղարկել իրեն: Դամբանաքար պատրաստելու անհրաժեշտ գործիքները նա բերել տվեց հենց նոյն օրը:

Երբ քաղաքում իմացան ուստա Մկրտչի որոշումը, բոլորն անխտիր եկան այն եզրակացության, որ դամբանաքար պատրաստելը պատրվակ էր ուստայի համար՝ չերևալու մարդկանց մեջ, քանի դեռ թարմ էր ընտանեկան չտեսնված և չլսված խայտառակության տպավորությունը: Սակայն ո՞ւմ մտքով կանցներ չարախնդալ ուստայի դժբախտության վրա: Բոլորին պաշարել էր սոսկումը՝ ինչպես սրբապղծությունից: Ինչպես էր համարձակվել Հեղնարը՝ այդ անառակ կինը, պղծել պայծառ ուստայի անկողինը . . . Եվ ո՞վ էր եղել արդյոք այն իժի ծնունդը, որը գայթակղել էր այդքան տարիների անարատ կնոջը . . .

Թաղման հենց հետևյալ օրն ուստայի ընկերները վերցրին Սաֆարի երեխաներին և սկսեցին շրջել շուկաները, արհեստավորների և առևտրականների խանութները, չայխանաները, դայֆախանաները, միկիտանները՝ Հեղնարի սիրեկանին գտնելու համար: Նրանք իրենց գրպաններում ունեին նրա համար խնամքով սրած դանակներ: Բայց նա չկար: Ո՞վ գիտե, գուցե և կար, գուցե և Ասֆարի երեխաները տեսնում էին նրան, բայց չէին ճանաչում, որովհետև նրանք հիշում էին երիտասարդի միայն փափախը: Ըստ երևույթին, տղան իր հայկական շափիսան թուրքական փափախով փոխարինում էր միայն թուրքական թաղամաս գնալիս՝ բռստանների մեջտեղով անցնող ճանապարհի ոլորներից մեկում, որտեղ և, անշուշտ, Հեղնարն էր ծածկում կամ վար առնում իր շաղրան:

Ճիշտ է, երիտասարդին տեսել էին նաև թրուիիներից ոմանք, բայց տեսել էին անցողակի, հապճեայ, չադրայի անվատահորեն քացած ճեղքից: Նրանք հազիվ թե կարողանային հիշել նրան, իսկ եթե հիշեին էլ, չեին համարձակի ծպտուն հանել այդ մասին, խոստովանել, որ նայել են նրան, ցույց են տվել իրենց երեսը տղամարդուն, հային, անառակին: Այդ եռակի հանցանքի համար կշողար սրած պողպատի մի կտոր և աշխարհը կպակասեր ևս մի կնոջով . . .

Իգուր փնտրումներից հուսահատված, բոլորն իրենց հույսը դրել էին աստծու վրա, որպեսզի նա ինքն իր շանթով տեղնուտեղը ոչնչացներ մեղավորին, բույլ շտար նրան՝ մնալ անպատիծ և գայթակղություն ծառայել իր նման ուրիշների համար: Հարկավոր էր ցասում, վրիժառություն: Բոլորը սոսկահար սպասում էին դրան, սպասում էին, թե պիտի զար մի հրաշք՝ ընտանիքի սրբությունը նորից հաստատող: Բայց և միաժամանակ, բոլորն իրենց հոգու հեռավոր խորքում կասկածում էին, թե կգա՞ր արդյոք այդ հրաշքը . . . Եվ ի՞նչ պիտի հաստատեր այն՝ եթե զար . . . Մի՞թե անպայման ընտանիքի սրբությունը . . . Եվ ո՞չ թե սիրո իրավունքը . . .